



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Ab|Jroganda Missa || Privata Marti-||ni Lvtheri ||
Senten-||tia**

Luther, Martin

Wittembergae, 1522

VD16 L 3619

Qvinto.

urn:nbn:de:hbz:466:1-33296

sibi soli seruare & sumere. Deinde ministrū, sacerdotem censerī, ibi inuentū est sacrificiū, scilicet ut haberet quod ageret ille sacerdos, ne ociosus staret corā altari. Quod si omnino sibi ipsi sumere extra exemplū Christi uolet, saltem hoc curet, ne solus sumat, sed frangat simul & det aliis, ne nihil exempli sequi, sed omnia cōtra exemplū Christi agere inueniatur. Fidelia sunt uerba & satis tutā facere conscientiā potentia, si credas & sequaris, contemptu totius mundi usu contrario.

Q V A R T O.

Qui sacrificiū dat, dat deo, In Missa nos accipimus a deo. Et dixit, Accipite, scilicet non solum exemplo & facto ostendit, non sacrificiū deo exhibitum, sed donum hominibus datum, Eucharistiam esse, sed & uerbo confirmat, iubens ut accipiantur. Cur non sic ait, Offerete uel sacrificate? An papistas iterū ignorantia grāmaticæ impedit, ne sciant, quid significet, Accipere? Neq; enim accipere hic sonat, ut tollant manibus, ceu alienum bonum alteri exhibituri seu oblaturi, sed ut sibi ipsis uenident & in suū comodū uerrant, tanquā donū ac iā rem propria. Possessores enim facit doni, cum dicit, Accipite, nempe illud quod dedit & fregit. Nihil ergo offerri deo permittit hoc uerbum accipiendi, sed probat a deo uenire, hominibus accipientibus donum. Quid potest contra tam clara uerba opponi? Adhuc Sodome illæ & Gomorrah nos accusant, quod nobis solis arrogemus intelligentiā scripture & Surgant, resistant, dent aliā, & configant oculos tam aperti Euangelii. Nō.n.suffici dicere. Hec propositio est scādalosa. Scimus & uolumus Christū esse scandalum Iudeis & signū contradictionis Israeli & lapidem offensionis Synagogæ Satanæ, & abominationē lupanaribus papisticis.

Q V I N T O.

Comedite, & bibite. Hoc est uniuersum opus, quod in Eucharistia facere iubemur. Ideo n. frangit, dat, iubet accipere, ut comedamus & bibamus, & post hæc memoriā eius predicemus. Sic & Apostolus, nullum aliud opus in eucharistia nouit nisi comedere & bibere, dū uerba Christi repetit-dicens, Quotienscūq; ergo manducabitis panē hunc & calicē bibetis, mortē domini annūciabitis, donec ueniat. Nihil hic offerre, nihil operari, sed



accipere tantū comedere & bibere mandatur. Neq; n. quod comedimus & bibimus, offerre possumus, cū potius auferamus & nobis demus & intra nos recipiamus. Et non pudet, aduersus tam euidentia & certa uerba, sacrificiū facere & offerre deo, quod comedimus & bibimus. Natura. n. sacrificii est, præsertim perfeccissimi, quod holocaustū uocant, totū deo offerri, nihil ex eo hominibus relinqui. Si autē uictima aut pro peccato fuerit, saltē aliquā partē deo relinqui totā, cur ergo nos, panē & uinū totū comedimus & bibimus, nihil relinquentes deo? Cur non totū ei relinquimus, cū uelimus hoc perfectissimum esse sacrificiū? ubi hic subsistet ratio sacrificii? Neq; em̄ garrire sufficit, Christum offerri a nobis sub pane & uino. Nā & ipsum sumimus sub pane & uino, at nihil sumi a nobis debet de sacrificio & holocausto domini. Pugnāt, offerri deo & sumi a nobis. Accipiebant leuitæ olim a populo Israel oblata eorū, sed nihil eorū sumebat, quæ offerenda erant deo. Sic & dū corpora nostra & laudes sacrificamus, nihil nobis, sed oīa soli deo exhibemus, ut stet ratio sacrificii, etiā spiritualis. Prorsus inauditū igit̄ monstrū est, Sacrificiū istud papisticū, ut fere ipse Papa cum suo corpore toto non sit æque monstrosus. Totū nos uoramus, & totum deo offerimus, hoc est tantū dicere, neq; uoramus si offerimus, neq; offerimus si uoramus. Et ita dū utrumq; facimus neutrū facimus. Quis audiuit unquā talia? omnia sibi pugnatiſſime contradicunt & in uicem se consumunt, aut necessario & infallibiliter concludit Eucharistiā sacrificiū esse nō posse. Diluāt hæc rogo, Louanieñ. & Parrhisię.

SEXTO.

Hoc est corpus meū, Hic est calix sanguinis mei. Hic pignus Ratio sacramentū & signū promissionis apponit. Ita. n. habet consiliū diuinæ bo- mitatis, suas promissiones aliquo pignore seu sigillo signare & munire. Sic Abrahæ imposuit circūcisionē pro signaculo pacti & promissionis de semine suo donare. Et Noe cū promitteret se fore deū semini suo, nec ultra terrā dissipaturum, apposuit pro signo memorabili arcum in nubibus. Sic deinceps fere omnes promissiones aliquo signo firmauit, adeo ut hec more Isaias iuberet Achaz regē Iuda, ut peteret signum a domino promittente liberationem populi de manu regis Syriæ & Samariae.

